

ՎԱՆԻ ԹԱԳԱՎՈՐՈՒԹՅԱՆ ԳԼԽԱՎՈՐ ԱՍՏՎԱԾՈՒԹՅՈՒՆՆԵՐԻ ՊԱՏԿԵՐԱԳՐԱԿԱՆ ԱՌԱՆՁՆԱՅԱՏԿՈՒԹՅՈՒՆՆԵՐՆ ՈՒ ԽՈՐՀՐԴԱԲԱՆՈՒԹՅՈՒՆԸ*

ԳԱՅԱՆԵ ՊՈՂՈՍՅԱՆ
ԵԳՊԱ մագիստրոս (2016)

Վանի թագավորության լաշտամունքային արվեստում գեղարվեստական առանձնահատուկ ռճավորումներով և խորհրդաբանությամբ ուրույն տեղ են գրավում դիցարանի Խալդի, Թեյշեբա և Շիվինի գլխավոր աստվածությունները: Գերագույն աստվածությունների այս եռյակը, Մհերի դռան արձանագրության¹ համաձայն, գլխավորում է Խալդին: Ինչդեռ Մհերի դռան, այնդեռ նաև այլ սեղագիր տեքստերում լատիներովում է գերագույն աստվածությունների հերթականությունը. սկզբում Խալդին, այնուհետև հաջորդաբար Թեյշեբան և Շիվինին: Ամենայն հավանականությամբ նրանք հանդիսացել են երկնային երևույթներ խորհրդանշող աստվածություններ, որի վկայությունն է Մենուա արքայի մի արձանագրության անեծքի բանաձևում Խալդիին, Թեյշեբային և Շիվինին երկրային աստվածներից զատելու փաստը²: Այս առիթով ուշագրավ է Խալդի անվան Hal արմատը, որն ըստ արևմտյան անդրկովկասյան լեզուների ստուգաբանվում է որդես «երկինք»³: Դիցարանում ակնհայտ է գլխավոր աստվածությունների եռյակի հիերարխիկ բնույթը, քանի որ ուրարտական սեղագրերում այս կանոնի որևիցե խախտում չի հանդիպում⁴: Երկնային գլխավոր աստվածությունների գերակայության վկայությունն է նաև այն, որ հենց այս աստվածների հետ են կապվել մարդկանց կյանքում կարևոր նշանակություն ունեցող բնության այնուհիսի երևույթներ, ինչդեռիսիք են փոթորիկն ու անձրևը (Թեյշեբան որդես տարերքի խորհրդանիշ) և արևը (Շիվինի): Որոշ ուսումնասիրությունների համաձայն՝ Խալդին համարվում է բուսականության և դոտաբերության⁵, ինչդեռ նաև ըստ վիմագրական աղբյուրների հանդես է գալիս որդես լատերագմի հովանավոր աստվածություն⁶: Նամադրելով այս երեք աստվածների հաջորդական դասավորությունը՝ կարելի է եզրակացնել, որ ուրարտացիների լատերացումներում նրանք մարմնավորել են բնության կարևորագույն և միմյանցով լատամանավորված երևույթները՝ բուսականություն (կյանք, դոտաբերություն), տարերք և արև: Ուրարտական դիցարանի աստվածային եռյակի առանձնահատկությունները համադրելի են հնդեվրոպական եռամաս դիցարանական զաղափարախոսության հետ, որի համաձայն գլխա-

* Դոկվածը լատարաստվել է 2016 թ. լատշտղանած՝ ԵԳՊԱ արվեստի լատտմության և տեսության բաժնի մագիստրոսական թեգի հիման վրա (ղեկավար՝ Սիմոն Դմայակյան):

վոր աստվածներն իրենց մեջ կրում են երեք հիմնական գործառնություն՝ գերագույն իշխանություն, ֆիզիկական ուժ և տոտալիտարություն⁷: Վանի թագավորության դիցարանում իշխող դեր ունեցող այս աստվածություններին կարելի է նմանեցնել միջագետքյան Աշուր-Ադադ-Շամաշ կամ, օրինակ՝ հնդկական Բրահմա-Վիշնու-Շիվա հզոր աստվածային եռյակների հետ:

Նշանակալի է եղել նաև Խալդի, Թեյշեբա և Շիվինի աստվածությունների տաճարում Ուրարտուի մշակութային կյանքում: Ուրարտագիների հոգևոր կյանքում կարևոր նշանակություն ունեցող սրբությունների տատկերներով գեղարվեստական հորինվածքները կարելի է դիտարկել որդես ուրարտական յուրահատուկ տատկերներ, որոնց տատկերագրական սյուժեները ներկայացնում են որոշակի ծիսական արարողություններ և գաղափարներ: Վանի թագավորության գլխավոր աստվածությունների և նրանց տատկերագրական կերտարների ուսումնասիրության գործում նշանակալից է Կարմիր բլուրում հայտնաբերված 12 սմ լայնությամբ և մոտ 1 մ երկարությամբ բրոնզե մի գոտի (նկ. 1): Ուշագրավ է մետաղագործական արվեստի այս յուրօրինակ նմուշի վրա տատկերագրային ռիթմի զգացողությունը, տատկերների համաչափ տեղադրումը՝ հորինվածքում և նուրբ ճաշակի արտացոլումը զարդանախշերում: Աստվածությունները տատկերված են գոտու ուղղագիծ երկայնքով շրջանակված հարթության զարդանախշային մետոդներում: Յուրաքանչյուր հավասարաչափ բաժանմամբ դաշտում դրվագված են առյուծի և ցլի վրա կանգնած աստվածության մարդակերպ տատկերներ, ինչպես նաև յուրահատուկ ռճավորմամբ կենաց ծառ ներկայացնող զարդամոտիվ:

Ընկալելով աստվածություններին մարդակերպ՝ ուրարտագիներն ամենայն հավանականությամբ նույնացնում էին արքա և աստված կերտարները, օժտում նրանց մարդկային հատկանիշներով և իհարկե տատկերում իրենց ժամանակաշրջանին հատուկ արքայական շքեղ հագուստով⁸: Նատկանշական է, որ ուրարտագիները Խալդիին անվանում էին «արքա»⁹ և անգամ նրան նվիրաբերում էին հագուստ: Բորիս Պիոտրովսկու ուսումնասիրությունների համաձայն՝ առյուծը հանդիսացել է Խալդի աստծո գլխավոր խորհրդանշանը¹⁰ (թեև այս տեսակետը որոշ գիտնականների կարծիքով չի կարող չափորոշիչ և անժխտելի առաջույց լինել աստվածությունների տարբերակման հարցում), ուստի կարելի է ենթադրել, որ առյուծի վրա կանգնած աստվածությունը Խալդին է: Առյուծի վրա կանգնած աստվածությունը որդես Խալդի ընդունելու վկայությունն է Էրեբունու Խալդի տաճարի որմնանկարներից մեկում տատկերված աստվածության կերտարը¹¹: Ենթադրելի է, որ Խալդիի անվան տաճարում տեղաք է այդ աստվածությունը տատկերվել (նկ. 2): Առյուծի վրա կանգնած աստվածությունների մոտիվը հայտնի է դեռևս հնագույն առաջավորասիական կնիքներից և կա-

վե դրոշմահետքերից (մ.թ.ա. III-II հազ.): Նիմփ ընդունելով այն, որ ցույն ուրարտական առաստիվաբանության մեջ, ինչդեռ և խորհրդականում համարվել է տարերքի աստված Թեշուրի խորհրդանիշը, կարելի է եզրակացնել, որ ցլի վրա կանգնած է Թեյշեբան: Թվում է, այս գոտու հորինվածքում ուրարտացի վարդետը երկու աստվածությունների համար օգտագործել է նույն դատկերագրական կերպարը՝ կանգնեցնելով տարբեր խորհրդանշական կենդանիների վրա: Աստվածությունները դատկերված են գլխի և ոտքերի ամբողջությամբ կիսադեմ, իսկ մարմինը երեք բառորդով՝ դիմահայաց: Մեծան դատկերման ձևը հին արևելյան արվեստի յուրահատկություններից մեկն է, որը թույլ է տալիս երկչափ հարթության վրա եռաչափ մարմինը դատկերելիս ցույց տալ մարմնի բնորոշ առանձնահատկությունները: Բավական լավ է մտածված կանգնած մարմինների հավասարակշռվածության առաջնությունը աստվածությունների մի ոտքը կենդանու գլխին, իսկ մյուսը՝ մեջքին դնելու եղանակով: Ուշագրավ է նրանց ձեռքերի միանման դիրքը. աջը օրհնության շարժումով, իսկ ձախ ձեռքում գլուխը դեղիներքև իջեցրած ծաղկի նմանվող գավազանանման ինչ-որ իր: Նկատելի է Խալդի աստվածության եղջյուրազարդ խույրը: Նետաքրքրական է, որ եղջյուրներով գլխի հարդարանքների զարդարման դատկերագրական ավանդույթը եղել է անհիշելի ժամանակներից¹²: Եղջյուրազարդ գլխի հարդարանքները մեծ տարածում են ունեցել թե՛ հին Եգիպտոսի և թե՛ Միջագետքի մշակույթներում: Նավանաբար աստվածությունների խույրերի եղջյուրները խորհրդանշել են ցլին վերագրվող առնականություն, դատկերություն և ուժ: Դա վկայությունն է այն կարևոր նշանակության, որ ունեցել են կենդանիները մարդկության զարգացման վաղ տոտեմական մտածողության շրջանում¹³, որը դաժնաբանվել ու իր վերափոխված արտահայտությունն է գտել նաև հետագա դարերում: Ուրարտական աստվածությունների այդօրինակ գլխի հարդարանքների եռաչափ տեսքի վերաբերյալ կարելի է դատկերացում կազմել Թուրքաք Կալեից (Ռուսալիսինի) գտնված գոտու վրա կիսամարդ-կիսակենդանու քանդակի օրինակով (նկ. 3): Ելնելով այս գոտու ծաղկային մոտիվից, կարելի է նկատել, որ կենաց ծառն արտահայտված է ռճավորված ծաղկի տեսքով: Նատկանշական է, որ կենաց ծառը զարդարվեստում դարտադիր չէ, որ անդայման լինի ծառի տեսքով¹⁴: Պատկերված կենաց ծառի հիմքում գտնվող շրջագիծը ներկայացնում է հատիկ (սերմ), որից վեր են բարձրանում բույսի ռճավորված երեք հյուսածո ճյուղերը: Կենաց ծառն ավարտվում է խոշոր ծաղկաթերթ շրջագծով: Ծաղկային այս մոտիվը կարծես խորհրդանշում է դիցաբանական ու կրոնական համակարգերում հատկապես ընդգծված կյանքի զարգացող գիծը՝ ծնունդից մինչև աճ, դատկերություն, որն իր արտահայտությունն է գտել կենաց ծառի գաղափարում¹⁵: Այս գոտու հորինվածքում կենդանիների վրա կանգնած աստվածությունները

կարծես որդես կենաց ծառ վեր են հառնում շրջանաձև հատիկից: Այս փաստը թույլ է տալիս լուրջաբերության գաղափարի հետ զուգորդել աստվածությունների և կենաց ծառի համատեղ լուսնակերպությունը: Այստեղ անգամ կարելի է ենթադրել, որ ներսում խաչաձև դասավորված ծաղկահատիկներ տարանակող շրջանը կարող էր նաև հնում զուգորդվել արևի գաղափարի հետ՝ որդես լուսնակերպության ու զարթոնքի գերբնական ուժ¹⁶: Կենաց ծառը Վանի թագավորության դիցաբանության մեջ համարվել է երկրագործական այն գլխավոր խորհրդանիշը, որը նվիրված է եղել մեռնող ու հառնող կամ սիրո և լուսնակերպության աստվածությունների գաղափարին¹⁷: Նավանաբար այսօրիսի ուրարտական գոտիները, հագուստի և հարդարանքի մաս լինելով ունեցել են նաև մոզական նշանակություն: Նայտնի է, որ հնում գոտեղծվող մարմինը այն լուսնակերպություն էին չար ուժերից¹⁸: Այսօրիսի գոտիների վրա սրբազան կենդանիներ և աստվածություններ լուսնակերպվող ուրարտացիներն իրենց լուսնակերպացումներում հավանաբար մոտենում էին աստվածների աշխարհներին և սրբություններին¹⁹:

Մեծան լուսնակերպարդում ունի նաև Կարմիր բլուրից հայտնաբերված մեկ այլ բրոնզե գոտու բեկոր (նկ. 4): Ի տարբերություն առաջինի, այս գոտու լուսնակերպարդումը կատարված է գոտու երկայնական տարածությունը երկու լուսնանական դաշտերի բաժանմամբ, շրջանակումը դարձյալ կատարված է ծաղկաշղթայով: Այս գոտու վրա, բացի Խալդի և Թեյշեբա աստվածություններից, լուսնակերպված է նաև Շիվինին: Ուշագրավ և բավական հետաքրքիր է ներկայացված արևի լուսնակերպումը և Շիվինի աստվածությունը ուրարտական արվեստում: Այս գոտու վրա Շիվինին լուսնակերպված է երիտասարդ, գլխաբաց, փարթամ գանգուր վարսերով, աջ ոտքի վրա ծնկած մի լուսնակերպում տեսքով, որը գլխավերևում լուսնակերպված է արևի աստվածության խորհրդանիշը համարվող թևավոր նշանը: Շիվինին, ի տարբերություն Խալդիի և Թեյշեբայի, ներկայացված է առանց խորհրդանշական կենդանու: Կարելի է նկատել, որ Շիվինիի կերպարն այս հորինվածքում գտնվում է Խալդի և Թեյշեբա աստվածությունների հետ հաջորդական դասավորությամբ: Ելնելով աստվածությունների յուրահատուկ դասավորությունից՝ թվում է, թե այս գեղարվեստական հորինվածքը ներկայացնում է համաստեղությունների հաջորդական հերթակայություն: Առյուծի վրա կանգնած աստվածությունը խորհրդանշում է Խալդիին, որին համապատասխանում է Առյուծի համաստեղությունը: Առյուծն ըստ կենդանական համաստեղությունների համապատասխանում է ամառային ժամանակաշրջանին: Այս առիթով կարելի է հիշատակել այն, որ հին Բաբելոնում, օրինակ՝ հուլիս-օգոստոս ամիսները կոչվել են կրակի ամիսներ և կենդանականաբար լուսնակերպվել են առյուծի կերպարանքով²⁰: Յլի վրա կանգնած աստվածությունը թերևս Թեյշեբան է և միգրացի խորհրդանշում է Յլի համաստեղությունը, այն համապատասխանում է

տարվա զարմանալի ժամանակահատվածին (ամրիլի 10-14-ի ընթացքում արևը մտնում է Յլի համաստեղություն, այդ ժամանակահատվածում սկսում է ցանքը, իսկ վեց ամիս անց արևը հաջորդում է առյուծի համաստեղությունը, երբ սկսվում է բերքահավաքի շրջանը): Շիվինիի կերտարը որդես արևի աստվածություն թերևս ներկայացնում է աստվածությունների միջև արեգակնային դիրքը: Արևի աստվածությունը կարելի է կադել արեգակի և բնության զարթոնքի զադափարի հետ: Դրա վկայությունն են նախ Շիվինիի երիտասարդ կերտարը (կարելի է նկատել, որ Խալդի և Թեյշեբա աստվածությունները դատկերվել են տարբեր տարիքում²¹), այնուհետև նրա ձեռքերի՝ արևի խորհրդանշանի հանդեպ ողջույնի դիրքը, ինչդես նաև գլխավերևում դատկերված արևի խորհրդանշանի ստորին հատվածում կախված բուսական մոտիվների առկայությունը: Ղայտնի է նաև, որ Շիվինիի անունով է կոչվել ուրարտական արեգակնային ամիսներից մեկը (^PUTU ITU²²), որն ամենայն հավանականությամբ համադատասխանել է մարտ ամսին²³, երբ զարմանալի զարթոնքը կադելով արևի դաշտամունքի հետ՝ ուրարտացիներն իրականացրել են կարևոր տոնական ծիսակատարություններ (զարմանալի գիշերահավասարին են իրականացվել նաև ամանորյա տոնակատարությունները²⁴): Կարելի է ենթադրել, որ վերոհիշյալ գոտիների վրա դատկերված են կրոնական սյուժեներ, որոնցում գլխավոր երկնային աստվածությունները խորհրդանշում են երկնային ուժերի կամ, ավելի ճիշտ՝ տարվա տարբեր եղանակների հաջորդականություն: Միերի դրան արձանագրությունում հիշատակված երկրագործական երեք տոնակատարություններից²⁵ հետևում է, որ ուրարտացիները, թերևս ինչդես եգիպտացիները²⁶, տարին բաժանել են երեք դեկադի ըստ երեք եղանակների՝ կադված իրենց կյանքում կարևոր դերակատարում ունեցող այգեգործական աշխատանքների հետ: Սա ևս փաստում է կրոնական դատկերագրության մեջ երեք գլխավոր աստվածությունների կարևորությունը և դատկերման առանձնահատկությունները: Աստվածությունների տարբեր տարիքային կերտարների տարբեր խորհրդանշանների, ինչդես նաև դատկերագրության մեջ բազմիցս հանդիպող աստվածությունների հաջորդականության դատկերումը կարելի է համադրել տարվա երեք եղանակների փուլային փոփոխման հաջորդական հերթականության հետ²⁷: Ասվածի վկայությունն է, օրինակ՝ ուրարտական կրոնական դատկերներով յուրօրինակ մի դաշտամունքային թիթեղ (նկ. 5), որի վրա գնդերով լցված տարածության մեջ իրար դեմ առ դեմ կենդանիների վրա կանգնած են երկու աստվածություններ: Պատկերված գնդերը հանդիսանում են ոչ միայն տարածությունը լցնող գեղարվեստական լուծում, այլև ցուցադրում են աստվածությունների երկնային տարածությունը: Առյուծի վրա հավանաբար կանգնած է Խալդին, իսկ ցլի վրա՝ Թեյշեբան: Աստվածությունները դատկերված են ձեռ-

քերը առաջ տարգած՝ կարծես միմյանց ողջունելիս: Այստեղ կերտարների միջև տատկերված թռչունը կարելի է ընդունել որդես Խալդիի, ինչդեռ նաև դեղի Թեյշեբան ուղղված արևի գաղափար: Թռչունները, ըստ նախնադարյան տատկերացումների գտնվելով երկնքում, հնագույն ժամանակներից համարվում են նաև արևի կցորդ, նրա կենդանական խորհրդանշաններից մեկը, և կարող են կրել արեգակի գաղափարն ու նաև նրա գործառնությունները²⁸: Ասվածի առաջույց կարող են հանդիսանալ Նայկական լեռնաշխարհի բազմաթիվ ժայռադասակներում տատկերված արևի գաղափարը մարմնավորող թռչունները²⁹: Ուրարտական այս տատկերային հորինվածքի գաղափարը կարելի է համեմատել հին եգիպտական տատկերացումների հետ, որոնց համաձայն թռչնի կերտարում մարմնավորվում է արևը, ինչդեռ նաև մարդու հոգին մարմնից դուրս է գալիս թռչնի տեսքով³⁰: Եգիպտական աղբյուրների համաձայն, ամառային արևի տատկերը մեջ ներկայացվել է թռչնի կերտարանքով³¹: Աստվածությունների միջև տատկերված թռչունն ընդունելով որդես արև՝ կարելի է եզրակացնել, որ Խալդին, գտնվելով Առյուծի համաստեղության մեջ, իր դիրքն է հանձնում Յլի համաստեղության մեջ գտնվող Թեյշեբային: Այն, որ հնագույն մշակույթներում համաստեղությունները կարող էին մարմնավորվել աստվածությունների կերտարում, վկայում են միջագետքյան սեռագիր աղբյուրները և հին շումերական գաղափարագրային համակարգում համաստեղությունների և դիցանունների համադասարանական անվանումները³²:

Վանի թագավորության արվեստում աստվածությունների և համաստեղությունների կադի վկայության մի բացառիկ օրինակ է Անձավ հնավայրից հայտնաբերված մի վահանի բեկորի տատկերագրական դրվագ (նկ. 6): Այստեղ Թեյշեբան տատկերված է դարձյալ ցլի վրա կանգնած, աղեղներով զինված ռազմիկի կերտարանքով, և միայն նրա կերտարն է արևի թևավոր սկավառակի մեջ ներփակված: Թեյշեբայի այս կերտարը հիշեցնում է գրադաշտականության գերագույն աստվածության՝ Սիուրամագդայի նմանատիպ տատկերները: Թևավոր շրջանակը կարծես կրում է թռչունի և արևի միասնական գաղափարը, որի դեռևս անհայտ գործառնությամբ ըստ երևույթին աստվածությունը վերցնում է իր վրա: Բազմաթիվ տատկերներում հանդիպող և սրբազան խորհրդանիշ համարվող աստվածություններին գոտևորող թևավոր սկավառակը միգուցե հնագույն մարտիկ աստվածություններին բնորոշ դեռևս անհայտ «աստվածային զենքի» մի տեսակ է, որի վերաբերյալ հիշատակություններ կարելի է գտնել գրադաշտական հնագույն գրվածքներում³³: Ընդունելով, որ Թեյշեբան տատկերված է տարբեր կենդանիների վրա կանգնած 11 այլ զինված աստվածությունների շարքում³⁴, կարելի է կարծել, որ այս հորինվածքում տատկերված է աստվածային մի գործ, որն ըստ Ս.Նմայակյանի «Արև աստծո թիկնագորն է»³⁵: Դա համե-

մատելի է արևի «12 թիկնադահներին» մասին գրույցների հետ³⁶, որոնք հին հայկական իրականությունում համարվում էին արեգակնային 12 ամիսների աստվածություններ: Այս դասակարգական հորինվածքը ամենայն հավանականությամբ ներկայացնում է ուրարտացիների կրոնական դասակարգումներում արեգակնային 12 ամիսներ խորհրդանշող աստվածություններին: Աստվածությունների գորքը առաջնորդող բոցարձակ աղեղնավոր կերպարը կարող է լինել արևի Շիվինի աստվածությունը³⁷: Կարելի է կարծել, որ այս սյուժեում մարտիկի կերպարանքով արևի աստվածությունը առաջնորդում է արևի աստծո գորքին՝ Մհերի դասն արձանագրությունում հիշատակված սրբությունների երրորդ խմբում գտնվող Շիվինի աստծո գորքին՝ «Արտուարասիներ»-ին³⁸, որոնք իրենց հերթին կարող են համադասարանել 12 ամիսների աստվածություններին կամ համաստեղություններին: Այս առիթով ուշագրավ է համեմատական գուգահեռ անցկացնել Մ. Արեղյանի կողմից Վանի շրջանում գրի առած արևի վերաբերյալ մի գրույցի հետ, որում խոսվում է, թե ինչդես են արևի «12 թիկնադահները» խոնարհվում լեռներից դուրս եկող, հրեղեն վարսերով իրենց արև-արքային³⁹: Նման բնույթ են կրում նաև հին եգիպտական առաստելները, որոնց համաձայն արևը տարբեր կերպարանքներ ստացած մարմնչում է իր թշնամիների դեմ⁴⁰: Այս բոցավառ կերպարի և Շիվինի՝ որդես կիզիչ ճառագայթներով զինված արևի աստվածության նմանությունը կարելի է փաստել նաև՝ ելնելով Արծկեի մի սեղագիր արձանագրության մեջ վկայված անեծքից, ուր արձանագրված է արևի աստծո՝ այրելու կարողության բանաձևը⁴¹: Այս առիթով ուշագրավ է մեջբերել մի կարծիք, ըստ որի Շիվինի անվան մեջ գոյություն ունի հնդեվրոպական նախալեզվից ծագող ues (լուսավորել, այրել) արմատը⁴²: Բոցավառ արևի աստվածության կերպարի համեմատական գուգահեռ է միջագետքյան դասակարգության մեջ լեռներից դուրս եկող, շողարձակող արևի աստված Շամաշը, որի արձակած կրակային ճառագայթների լույսը երկնքում սարսափեցնում էր թշնամիներին⁴³: Վահանի դասակարգական այս դրվագում փետրավոր նիզակով և խոշոր աղեղով զինված բոցավառ հերոսի տեսքով ներկայացված այս կերպարը հանդիսանում է հորինվածքի միջնամասում երկու տարբեր մոտիվների բաժանարար: Ուշագրավ է նաև կերպարների ձևսից աջ դասավորության դիրքը, որը կրկնում է արևի երկնականարային շարժման ուղղությունը⁴⁴: Այս դասակարգում շողարձակ կերպարի՝ որդես երկնային երևույթի և արև մարմնավորելու վկայությունն է նաև նրա դեղի աջ դիրքը: Նատկանշական է, որ երկնականարում արևը դիտողի համար ձևսից աջ դիրքում ներկայանում է միայն գտնվելով երկնքի հարավային մասում՝ աշնանային գիշերահավասարից սկսած⁴⁵: Այս դասակարգական սյուժեում մարտիկի կերպարանքով արևը հանդես է գալիս լույսի ու խավարի դասարարի կենտրոնում:

Այս բաժանումը արտացոլում է Շիվինիի՝ ինչդեպ միջազգային տատկերացումներում Շամաշից ճառագող լույսով չարի, սև ուժերի կործանում և լուսավորության բարիքի խորհուրդ⁴⁶։ Ուշագրավ է այն փաստը, որ արևի աստվածության մարդակերպ տատկեր ավելի հագվադեղ է հանդիպում ուրարտական տատկերներում, քան այն խորհրդանշող թևավոր սկավառակը։ Արևի թևավոր սկավառակի տաշտամունքի հետաքրքրական օրինակ է ներկայացված Կարմիր բլուրից գտնված քառակողմ կնիքի դրոշմահետքի չորս հատվածներից մեկում (նկ. 7)։ Արևի սկավառակի տակ տատկերված աջ ոտքով ծնկած կերպարը ձեռքերը դարձել է դեղի գլխավերևում գտնվող արևի խորհրդանշանը։ Երկրագության նման տեսարան հանդիպում է նաև բազմաթիվ այլ օրինակներում։ Այս տեսարանում թևավոր սկավառակը երկնային տաշտականություն է խորհրդանշում երկրագութի գլխավերևում։ Ուրարտական միջավայրում միգուցե այդ տատկերացումն է ներկայացված, որի նմանօրինակ գուգահեռ հանդիպում է հին եգիպտական տատկերագրության մեջ, ուր արևի թևավոր տատկերը խորհրդանշում է ավելի շատ աստծո տաշտականություն, քան թռիչք⁴⁷։ Արևի և իր թևավոր խորհրդանշանի հետ են հավանաբար գուգակցվում նաև ուրարտական հնավայրերից հայտնաբերված բրոնզե տարբեր կաթսաների հարդարանք հանդիսացող թևավոր կերպարները (նկ. 8)։ Ենթադրելի է, որ թռչուն-արև կաղն է արտահայտված թռչնի թևերով կանացի կամ տղամարդու իրանով այդ կերպարներում։

Ուրարտական դիցարանի գլխավոր աստվածությունների տատկերներ հանդիպում են կրոնական ծիսակատարություններ ներկայացնող տաշտամունքային որոշ թիթեղներում։ Օրինակ՝ Խալդի աստվածության երկրագության բազմաֆիգուր հորինվածք է տատկերված Սերբար Թեփեից գտնված տաշտամունքային թիթեղների վրա (նկ. 9, 10)։ Քառանկյուն գեղարվեստական հորինվածքները կառուցված են դարձյալ գնդերով լցված տարածության մեջ, ինչն ինքնին հաստատում է երկնային երևույթների հետ առնչվող ծիսակատարությունը։ Այն, թե ո՞ր աստվածությունն է տատկերված հորինվածքներում գահին բազմած, կարելի է դարձել տատկերված այծերի առկայությամբ (Խալդիին մատուցվող այծի զոհաբերության տեսարան կարելի է տեսնել ուրարտական հնավայրերից հայտնաբերված մի շարք տաշտամունքային թիթեղների տատկերներում (նկ. 11, 12)։ Միերի դռան, ինչդեպ նաև այլ տեքստերի հիշատակությունների համաձայն՝ «Արևի Շիվինի» ամսին այծեր զոհաբերվել են միայն Խալդիին⁴⁸։ Այս սյուժեում տատկերված է աստվածության սնունդ ընդունելու սրբազան ծիսակատարության տեսարան։ Նայտնի է, որ Խալդիին զոհաբերվել են նաև հաց ու գինի։ Այդ է վկայում Սարգոն 2-րդի հիշատակությունն այն մասին, թե ինչդեպ է Մուծածիրի տաճարից տարվել մի մեծ ղղնձյա կաթսա, որն

Ուրարտուի արքաները Խալդիի առջև զոհ մատուցելիս լցնում էին գինով⁴⁹: Այս առումով ուշագրավ է նաև Կարմիր բլուրից գտնված 1500 լիտր տարողությամբ ողնձե կաթսան, որը Ս.Եսայանի կարծիքով կանգնած է եղել Թեյշեբաինի տաճարի առջև և զոհաբերության ժամանակ լցվել է գինով⁵⁰: Միգուցե այս լիտրա-մունքային թիթեղի վրա Խալդիի բարձրացված ձեռքում զոհաբերված գինով թաս է: Այս հորինվածքում կարծես վերակենդանացել է ծիսական արարողության սրբազան դահլիճ: Նացի և գինու զոհաբերության հիշատակություն դահլիճում է օրինակ հեթիթական տեքստերում⁵¹, որոնց համաձայն տաճարը համարվում էր աստծո տուն, ուր քրմերը բավարարում էին աստվածության «մարմնական կարիքները», որոնց մեջ մտնում էին նաև նրանց կերակրելն ու խմեցնելը⁵²: Նին Միջագետքում աստվածներին մատուցվող ուտելիքները դրվում էին տաճարում դրված կուռքի առջև, և աստվածության կողմից դրանց ընդունման արարողակարգը երկրորդագույների ղադակներում նույն ծիսական և խորհրդավոր նշանակություն⁵³: Ուրարտական տաճարներում ևս հավանաբար դրվել են աստվածությունների արձանները, որոնց առջև կատարվել են ծիսակատարություններ: Դա փաստվում է Սարգոն 2-րդի արձանագրությամբ, ըստ որի Մուծածիի Խալդի տաճարից բազմաթիվ հարստությունների թվում առևանգվել են նաև Խալդիի և իր կնոջ՝ Բագմաշթուի արձանները⁵⁴:

- 1 Այս արձանագրությունը հանդիսանում է Վանի թագավորության կրոնի ուսումնասիրության կարևորագույն սկզբնաղբյուր, ուր հիշատակված են մ.թ.ա. IX դարի թագավորության լիտրաչափ ընդունված բոլոր աստվածություններն ու լիտրաչափ հասկացությունները: Միերի դուռ (Ագուվաբար) անվանումը ստացած ժայռախորշը գտնվում է Արևմտյան Հայաստանի (ներկայիս Թուրքիա) Վանա ժայռի արևմտյան կողմում ավելի քան 50 մետր բարձրության վրա:
- 2 Г. Меликишвили, «Наири-Урарту», *Древневосточные материалы по истории народов Закавказья*, 1, Тбилиси, 1954, стр. 365-366.
- 3 Б. Пиотровский, *История и культура Урарту*, Ереван, 1944, стр. 275.
- 4 Г. Меликишвили, «Центры культов верховных божеств урартийцев», *Сообщения академии наук грузинской ССР*, т.VII, н.6, Тбилиси, 1946, стр. 405.
- 5 И. Лосева, «Некоторые урартские ювелирные изделия с изображением ритальных сцен», *Древний мир*, Москва, 1962, стр. 304.
- 6 Меликишвили, *Наири-Урарту*, стр. 366.
- 7 Ж. Дюмезиль, *Верховные боги индоевропейцев*, Москва, 1986, стр. 17-29.
- 8 Ս. Եսայան, Ս.Հնայակյան, «Ուրարտական զգեստը», *Պատմա-բանասիրական հանդես*, Եր., 1980, հտ. 3, էջ 204:
- 9 И. Дьяконов, *Урартские письма и документы*, Москва-Ленинград, 1963, #12.
- 10 Б. Пиотровский, *Ванское царство (Урарту)*, Москва, 1959, стр. 223.
- 11 Ч. Зюлхадмишյան, *Էրեբունիի որմնակարները*, Եր., 1973, նկ. 46:
- 12 Ա. Մանուչարյան, «Նախնադարյան կերպարվեստի թեմաները», *Պատմա-բանասիրական հանդես*, Եր., 2000, հտ. 2, էջ 185, նկ. 8/բ:
- 13 *Мифы, культы, обряды народов зарубежной Азии* (отв. ред. Н.Жуковская), Москва, 1986, стр. 5-20.
- 14 Ա.Մնացականյան, *Հայկական զարդարվեստ*, Եր., 1955, էջ 2:

- 15 В.Топоров, «Древо жизни», *Мифы народов мира*, Москва, 1987, т.1, стр.396.
- 16 Արևը խաչի, սվաստիկայի ձևով հայտնի է հնագույն ժամանակներից, Տես՝ Դ.Իսրայելյան, *Պաշտամունքն ու հավատալիքը ուշ բրոնզեդարյան Հայաստանում*, Եր., 1973, էջ 44-47:
- 17 Ա.Մնացականյան, «Վերստին Մուսասիրի տաճարի ճակտոնի խորհրդանշանի մասին», *Պատմա-բանասիրական հանդես*, Եր., 1977, հտ. 4, էջ 212:
- 18 Ա.Ստեփանյան, «Հայ ժողովրդական տարազի զարդանախշերը (ծիսային, գունային և նշանային համակարգեր)», *Հայ ազգագրություն և բանահյուսություն, Նյութեր և ուսումնասիրություններ*, 22, Եր., 2007, էջ 17:
- 19 S.Taronci, «Sacred animals and fantastic creatures of Urartian civilization», *A civilization in Eastern Anatolia-Urart*, International Conference, Kadir Has University, Istanbul, October 13-15, 2014, p.3.
- 20 Դ.Իսրայելյան, *Պաշտամունքն ու հավատալիքը...*, էջ 61:
- 21 С.Есаян, «Искусство портретного изображения Урарту», *Պատմա-բանասիրական հանդես*, Եր., 1982, #3, էջ 180:
- 22 Г.Меликишвили, *Урартские клинообразные надписи*, Москва, 1960, #27,81,156.
- 23 Ա.Ջնայակյան, *Վանի թագավորության տետական կրոնը*, Եր., 1990, էջ 76:
- 24 Ա.Օղաբաշյան, «Ամենորը հայ ժողովրդական տոնացույցում», *Հայ ազգագրություն և բանահայտություն*, 9, Եր., 1978, էջ 11-19:
- 25 Ջնայակյան, *Վանի թագավորության...*, էջ 76:
- 26 Բ.Թումանյան, *Տոմարի տաճարություն*, Եր., 1972, էջ 31:
- 27 Մ.Բաղդադյան, «Տարին և Ուրարտուի դիցարանի գերագույն եղանակը», *Մերձավոր Արևելք*, Եր., 2009, VI, էջ 36:
- 28 Դ.Սարտիրոսյան, *Գիտությունը սկսվում է նախնադարում*, Եր., 1978, էջ 37:
- 29 Դ.Սարտիրոսյան, «Գեղամա լեռների ժայռադատկերները», *Հայաստանի հնագիտական հուշարձանները*, 11, Եր., 1981, տրակ 3, էջ 46-47:
- 30 З.Соколова, *Культ животных в религиях*, Москва, 1972, стр.108-109, 154-156:
- 31 Г.Носовский, А.Фоменко, Т.Фоменко, *Звезды (Астрономические методы в хронологии. Альмагест Птолемея. Птолемея. Тихо Браге. Коперник. Египетские зодиаки.)*, т.2, Москва, 2006, стр.210.
- 32 Դ.Սարտիրոսյան, «Սիսիան, Հորաց քարեր, Ցից քարեր, Քարահունջ», *Աստղագիտության կադմյալ գիտությունների, մշակույթի և հասարակության հետ*, Հայկական աստղագիտական ընկերության XIII տարեկան համաժողով, Եր., 2015, էջ 309:
- 33 М.Бойс, *Зороастрийцы. Верования и обычаи*, Москва, 1987, стр. 9:
- 34 Ա.Ջնայակյան, «Էթիկական մի կերպար վանոտոսյան արվեստում», *Տարեգիրք*, Եր., 2006, էջ 14:
- 35 Ջնայակյան, *Վանի թագավորության...*, էջ 29:
- 36 Ա.Տերյան, *Ար աստծո տաշտամունքը Հայաստանում*, Եր., 1995, էջ 39:
- 37 Ս.Պետրոսյան, «Անճափի ուրարտական վահանի աղյուծների զույգը», *Պատմա-բանասիրական հանդես*, Եր., 2007, հտ. 1, էջ 262:
- 38 Ա.Ջնայակյան, «Ուրարտական դիցարանի սրբությունները», *Պատմա-բանասիրական հանդես*, Եր., 1981, հտ. 3, էջ 207:
- 39 Ս.Աբեղյան, *Երկեր*, հտ. 1, Եր., 1975, էջ 42:
- 40 М.Матъе, *Древнеегипетские мифы*, стр. 31-45.
- 41 Մ.Բաղդադյան, «Շիվիմիի տաշտամունքը, տատկերագրությունը և խորհրդանշանները», *Մեծամոր, կենդարյա տեղումների տարեգրություն*, Եր., 2015, էջ 169:
- 42 Ս.Պետրոսյան, «Արևի աստվածը վաղ Ուրարտուի կրոնական քաղաքականության մեջ», *Պատմա-բանասիրական հանդես*, Եր., 2005, հտ. 3, էջ 234:
- 43 Д.Редер, *Мифы и легенды древнего Двуречья*, Москва, 1965, стр. 29.
- 44 Պետրոսյան, «Արևի աստվածը վաղ Ուրարտուի...», էջ 241:
- 45 Գ.Վրթանեսյան, «Գետաշենի սափորի (հիդրիայի) օրացուցային մոտիվները», *Աստղագիտության կադմյալ գիտությունների, մշակույթի և հասարակության հետ*, Հայկական աստղագիտական ընկերության XIII տարեկան համաժողով, Եր., 2015, էջ 357:

- 46 Б.Тураев Б, *История древнего Востока*, Ленинград, 1935, т.1, стр.140.
- 47 О.Keel, *The symbolism of the Biblical world. Ancient Near Eastern iconography and the book of Psalms*, Winona Lake, Indiana, 1997, p. 28, fig. 21.
- 48 И.Лосева, «Некоторые урартские...», стр. 306:
- 49 И.Дьяконов, «Ассиро-вавилонские источники по истории Урарту» (АВИИУ), *Вестник древней истории*, Москва, 1951, н.2-3, #49, стр.333.
- 50 Ս.Եւսիշեան, *Շարժող-Բնութ*, Եր., 1982, էջ 45:
- 51 В.Ардзинба, *Ритуалы и мифы древней Анатолии*, Москва, 1982, стр.114-115, 133-134.
- 52 Религии мира, *Всеобщая история*, Москва, 2011, стр.133.
- 53 А.Оппенгейм, *Древняя Месопотамия*, Москва, 1990, стр. 152.
- 54 Дьяконов, АВИИУ, #49, стр. 333.

INCONOGRAPHIC PECULIARITIES AND SYMBOLISM OF THE MAIN DIVINITIES OF THE VAN KINGDOM

GAYANE POGHOSYAN

PhD Student

The study of the iconographic features of the main gods Haldi, Teysheba and Shivini of Van kingdom pantheon allows to infer, that in religious art they are presented not only as divine images, but symbolize different periods of the year, constellations and celestial phenomena related to deities, which played an important role in urartian people's life. Urartian sacred images /icons/ with ritual motifs are created as a result of interaction between religious dogmatic ideology, human ideas, beliefs and mythological relation with other ancient cultures. The study of the iconography of these gods is an important clue for revealing the mysterious world of urartian spiritual culture.

ИКОНОГРАФИЧЕСКИЕ ОСОБЕННОСТИ И СИМВОЛИКА ГЛАВНЫХ БОЖЕСТВ ВАНСКОГО ЦАРСТВА

ГАЯНЭ ПОГОСЯН

аспирант

Изучение иконографических особенностей главных божеств пантеона Ванского царства Халди, Тейшеба и Шивини дает возможность заключить, что в культовом искусстве они являлись не только божественными образами, но и символизировали времена года, созвездия и разные небесные явления, которые имели важное значение в жизни урартийцев. Урартские своеобразные иконы с ритуальными мотивами создавались в результате религиозной догматической идеологии, человеческих представлений, верований и мифологических взаимосвязей с соседними культурами. Изучение иконографии этих божеств служит ключом раскрытия загадочного мира урартской духовной культуры.



1



2



3

1. Կարմիր բլուրից գտնված բրոնզե գոտու հատված
2. Խալդի աստծու դատկերը Էրեբունու Խալդիի տաճարի որմնա-
նկարում
3. Թոփրաք Կալեից գտնված կիսամարդ-կիսակենդանու քանդակ
4. Կարմիր բլուրից գտնված բրոնզե գոտու հատված
5. Պաշտամունքային թիթեղ
6. Ամծավի հնավայրից գտնված վահանի բեկոր



4



5



6



7



8



9

7. Կարմիր բլուրից գտնված քառակողմ
կնիքի դրոշմահետքի հատված
8. Մարդու իրանով և թռչնի թևերով
ձևավորված բրոնզե կաթսա
9, 10, 11, 12. Պաշտամունքային թիթեղներ



11



10



12